

Քաղաքի և շրջակա գյուղերի հայ բնակչության հերոսական դիմադրությունը արյան մեջ խնդրելուց հետո էր, որ գործի դրվեց դաժան հարկապահանջության հարյուրամյակների մեծ փորձ ունեցող ֆինանսական-հարկային ապագատը, կազմելու համար հաստակեցված գյուղերի ու ավանների մանրամասն հարկացուցակները:

Բնորոշ է, որ հենց սկզբից էլ Կիրաովիլ է կայսրության բոլոր երկրամասերին հատուկ հարկային համակարգը, հաշվի առնելով նաև տեղական առանձնատկություններն ու ավանդույթները<sup>10</sup>: Այս հանգամանքը հաստատվում է նաև Օ. Լ. Բարբանի հրատարակած՝ Գանձակի վիլայեթի նույն թվականների «Կանոննամեում» նշված մանրամասներով, որտեղ վկայակոչված են կրթության ոլորտի օրոք ընդունված հարկային նորմերը<sup>11</sup>:

Բնչպես ժամանակին նշել ենք, այստեղ ևս խիստ հատկանշական է, որ բնդամենը երեք տարի անց, երբ օսմանյան զորքերը որոշ հաջողություններ ունեցան Աղնխնիների և Գավլիթ-Բեկի դեմ մղված կռիվներում, ձեռնարկեցին նոր աշխարհագրի և 1728 թ. վերջերին կազմելյին նոր ընդարձակ հարկացուցակներ (դեֆաթիր-ի մուֆեսսել), որտեղ բնակչությունից զանձվող հարկերի ու տուրքերի ընդհանուր գրամական համարժեքը, 1725 թ. հարկացուցակի համեմատությամբ, ավելացված էր 2,5 անգամ:

Կիրիլ և Մեթոդի ժողովրդական գրադարանի Երևանի ֆոնդում պահվող, Արարատյան երկրից ստացվող եկամուտների մասին 1725—1731 թթ. Երևանի բերդի դեֆթերալներին կողմից Արքունի դիվանատան զխավոր հաշվապահությանը (բաշ մուհասիրա) ներկայացված ելումուտի հաշվեկշիռներն ու զեկուցագրերը բացառիկ արժեքավոր մանրամասնություններ են հաղորդում բնակչության տարբեր խավերից և եկամտաբեր հաստատություններից զանձվող հանգիլի ու տուրքերի և գյուղական բնակչության վրա բարդված հացահատիկի և այլ աննդամիբերների պարբերական մատակարարումների վերաբերյալ:

Չհաշված բազմաթիվ ստացական-անդորրագրերն ու շրջակա գյուղական համայնքներից Երևանի բերդի պահեստները կատարված միջնորդների մասին եղած տեղեկանք-վկայագրերն ու հարակից այլադան գրությունները, պահպանվել են բերդի զանձատան (խազինա) ելից և մտից մի քանի հանգամանակից ցուցակներ (դեֆթեր-ի մուկաթիաթ), որոնց համեմատական ուսումնասիրությունը թույլ է տալիս ավելի որոշակիորեն բնութագրել նորանվաճ վայրերում օկուպացիոն իշխանությունների վարած տնտեսական-հարկային քաղաքականությունը: Այս առումով, առավել պերճախոս տվյալներ է պարունակում հիշերթի 1137 և 1138 (1724—1726) թթ. Երևանի բերդի մուհասթիզ (բերդապահ կայազորի հրամանատար) Ռաջաբ փաշայի, դեֆթերալ Նուլեյման էֆենդիի և ուղղամշի (հաշվետար) Մուհամմատ էֆենդիի կողմից Արքունի դիվանի զխավոր հաշվապահությանը Մուֆրադաթի դեֆթերի (մայր հաշիվ) հիման վրա ներկայացված՝ հիշյալ թվականների ելից և մտից մանրամասն հաշվեկշիռը, որն ինչպես ասվեց, ընդունված էր կոչել «Գեֆթեր-ի մուկաթիաթ»<sup>12</sup>:

Գեֆթերը բաղկացած է երեք մասից. ա) Մուկաթիաների եկամուտները (իրադ-ի մուկաթիաթ), բ) ծախսեր (մեխարիֆ), գ) միծուծներ պետական զանձարան (հեալաթ ան մալ-ի իրսալ-ի խազինա): Եկամուտների մասում նախ տրված է առաջին մուհասթիզ վեղիր Ահմադ-փաշայի օրոք 1724 թ. հաստատված մուկաթիաների ցուցակը, ըստ որի պարզ է դառնում, որ Երևանի գրավումից անմիջապես հետո, սկզբնապես հաշվառման են ենթարկվել միայն Կրթությունադի, Կարպիի, Գաննիի, Շարուրի, Սուրմալուի, Գարաշիշազի, Գարալազյազի նահանգների մուկաթիաները, և ապա մուկաթիաներ են նշանակվել նաև Սաղարակի ու Աղջաղալայի մաքսատներում ու Կողբի աղահանքերում, որոնց ընդհանուր գումարը կազմել է 55370 ղուրուշ կամ ալյանլու («զլոթ-ի ասադի») — առլուծով ղլտա): Այնուհետև տրված է 1725—1726 թթ., հաջորդ մուհասթիզ վեղիր Ռաջաբ-փաշայի օրոք կազմված մուկաթիաների ցուցակը, որտեղ նույնպես ցուցակում հիշված մուկաթիաներին ավելացել են Գոզլայի օջալըրբի, Նախիջևանի կազալի, Աստապատի, Շարալայի, ինչպես նաև միրաբուլյան (չբբաշխուլյան), Երևանի մաքսատան (զլումուլի), ներկատան, օճառանոցի, սպանդանոցի և էջմիածնի վանքի մուկաթիաները, որով ընդհանուր գումարը դարձել է 197370 ղուրուշ, այսինքն նախորդ մուկաթիաների գումարից շուրջ 3,5 անգամ ավելի:

<sup>10</sup> Նույն տեղում, էջ 439:

<sup>11</sup> Օ. Լ. Բարբան, «Kanunlar», s. 195—197.

<sup>12</sup> ԿՄԺԳԱ, ֆոնդ 327, վավ. 37: